




HILDWARD CROES CU UN TREMENDO "CLASSIC SOFT ROCK MEDLEY" DEMOSTRANDO SU TALENTO TAMBE COMO CANTANTE

Actualmente Hildward Croes ta na Aruba riba un "rust" masha cortico. Riba e mesun dia cu Hildward a regresa Aruba, ela dreña den studio di Aruba Recording pa finalisa un grabacion di un "medley" riba cinta caminda e mes ta cantando, cual lo bai ser scucha riba tur radio-emisoranan. E idea aki a bin for di e tempu cu e tabata forma parti pa Wilfrido Vargas. Tabata Wilfrido cu a bin cu e idea pa e canta un cancion na "ingles". Aunke Hildward no ta considera su mes como un cantante, ela cuminsa traha riba e medley aki, pero no por a finalisá hunto cu Wilfrido, debi

cu ela hanja un oferta fabuloso serka Juan Luis Guerra pa bai forma parti di su grupo "4.40. Durante e apertura di "Coastal" Wilfrido Vargas a invita Hildward cu pa coincidencia tabata na Aruba pa canta e medley aki dilanti su pueblo. Tabata un sopresa ora Hildward a presenta cantando e "medley" aki, cual a cai na agrado, y a ricibi un fuerte aplauso di un multitud di casi 10.000 persona.

Mirando e reaccion di e publico y tambe riba recomendacion di varios persona ela disidi di graba e medley aki pa su pueblo y muy especial pa e juventud di Aruba.